

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第五一冊



責任編輯：孫言誠 賀 偉

ISBN 7-5333-0615-5



EB38/12

四庫全書存目叢書·集部五一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 39.5 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第五一冊目次

集部·別集類

王陽明先生全集二十二卷附年譜一卷(二)

〔明〕王守仁撰 〔清〕俞樾輯

中國社會科學院近代史研究所藏清康熙十二年刻本

張伎陵集七卷(存卷一至三)

〔明〕張鳳翔撰

南京圖書館藏明嘉靖刻本

凌谿先生集十八卷

〔明〕朱應登撰

中國社會科學院文學研究所藏明嘉靖刻本

貞翁淨稿十二卷拾遺一卷

〔明〕周倫撰

蘇州市圖書館藏明嘉靖三十七年周鳳起刻本

王陽明先生全集二十二卷

附年譜一卷(二)

〔明〕王守仁撰 〔清〕俞樾輯

中國社會科學院近代史研究所藏清

康熙十二年刻本

附《四庫全書總目·陽明全集

二十卷傳習錄一卷語錄一

卷《提要

王陽明先生全集目錄

卷十二 奏疏

議次勦兵糧疏

南贛擒斬功次疏

議次勦方略疏

換勅謝恩疏

交收旗牌疏

議南贛商稅疏

陞賞謝恩疏

王陽明先生全集

卷十二

目

一

橫水桶岡捷音疏

立崇義縣治疏

自劾不職以明聖治事疏

王陽明先生全集卷之十二

同里後學命 嶧重編

奏疏二

議夾剿兵糧疏

正德十二年
七月初五日

准兵部咨該本部題職方清吏司案呈奉本部送兵科抄出巡撫湖廣地方兼贊理軍務都察院右副都御史秦金題稱會同巡按御史王度督同都布按三司掌印署都指揮僉事文恭左布政使周秀鳳副使陳巍等議照湖廣郴州等處所屬地方

王陽明先生全集

卷十二

奏疏二

一

與廣東樂昌江西上猶等處縣縣賊密邇聯絡彼處有名賊首龔福全高仲仁李斌龐文亮蔡友門等素恃巢穴險固聚衆行劫先年用兵征剿各賊漏殄未除遂致禍延今日臣等仰體 皇上好生之心設法撫處冀圖靖安以成止戈之武奈犬羊之性變詐不同豺狼之心貪噬無厭陽雖招陰實肆毒今乃攻打縣堡擄官殺人窮兇極惡神人共憤雖經各官兵擒斬數輩稍懼歸巢緣其種類繁多出沒尚未可料若非三省合兵大彰 天討

惡孽終不殄除疆宇何由寧謐所據各官會呈乞要大衆臣等再三籌議非敢輕啓兵端但審時度勢誠有不容已者况彼巢穴既多賊黨亦衆東追西竄此出彼藏必須調發本省土漢官軍民兵數千人等共三萬員名分宜哨道刻期進剿其兩廣南贛仍須各調官軍狼兵把截夾攻協濟大事臣等計算兵糧重大區處艱難抑且本省兵荒相繼財力匱乏前項合用錢糧預須計處今將應調土漢官軍數目供給糧餉事宜及戰攻方略開坐具奏該本部覆稱關外兵權貴在專委征伐事宜切忌遙制今郴州縣賊爲害日熾既該湖廣鎮巡三司官會議兵不可已要行赴期進剿 朝廷若復猶豫不決往返會議必致誤事但七月進兵天氣尚炎况今五月將中三省約會期限太迫再請勅兩廣總督等官左都御史陳金等及請 特選撫南贛左僉都御史王守仁各照議定事理欽遵會合行事不許遲期失誤及改擬九月中取齊進兵庶三省路遠不誤約會本年五月十一日少保

王陽明先生全集

卷十二

奏疏二

二

兼 太子太保本部尚書王瓊等具題奉 欽依

備咨到臣除欽遵外查先據江西嶺北道副使楊璋及湖廣郴桂兵備副使陳璧并廣東韶州府各呈中前事臣察看得前賊惡貫已盈神怒人怨天討在所必加但近年以來江西有桃源之役瘡痍甫起福建有汀漳之寇軍旅未旋府江之師方集於兩廣偏倚之計未息於湖湘若復繼以大兵惟恐民不堪命合無申明賞罰容臣等徐爲之圖惟復約會三省並舉夾攻已經開陳兩端具本上

三陽明先生全集

卷十一

奏疏二

三

請去後今准前因則巡撫湖廣右副都御史秦金所題夾攻事理既奉有 成命矣臣謹將南贛二府議處兵機事宜開坐綠係地方緊急賊情事理爲此具本請 旨

計開

一南安府所屬大庾南康上猶三縣各有賊巢聯絡盤據有衆數千西接湖廣桂陽等縣南接廣東韶州府樂昌等縣三省夾攻必須湖廣自桂陽桂東等處進廣東自樂昌縣進在南安者

必須三縣地方並進韶州府所屬惟龍南縣賊

巢與廣東惠州府龍川縣湖頭接壤湖頭係大

賊池大營等巢穴有衆數千比之他賊勢尤猖

獗前此二次夾攻俱被漏網龍南雖有賊徒敢

夥除之稍易但其倚藉湖頭兵力以爲聲援攻

之則奔入湖頭兵退則復出爲害必須廣東兵

自龍川進贛州兵自龍南進庶可使無奔潰

一上猶去龍南幾四百里兩處進兵必須一時

並舉庶無驚潰之患大約計之亦須用兵一萬

二千名今擬調南康上猶二縣機兵打手一千

二百名大庾縣機兵打手一千二百名贛州府

所屬除石城縣外寧都信豐二縣機兵打手各

一千名其餘七縣機兵打手三千名龍泉縣機

兵打手一千名安遠縣招安義民葉芳老人梅

南泰等龍南縣招安新民王受謝銳等兵共二

千名汀州府上杭縣打手一千名潮州府程鄉

縣打手一千名共轄一萬二千之數但廣湖南

省之兵皆狼土精悍賊所素畏勢必偏奔江西

三陽明先生全集

卷十二

奏疏二

四

江西之兵最爲怯懦望賊而潰乃其素習今所擬調皆新習未練若使嚴以軍法處治庶幾人心齊一事功可成

一兵一萬二千餘名每名日給米三升一日該米三百七十餘石間日折支銀一分五釐一日該銀一百八十餘兩以六箇月爲率約用米三萬三千餘石用銀二萬餘兩領哨統兵旗牌等官弁使客合用廩給及賞功犒勞牛酒銀牌花紅魚鹽火藥等費約用銀二萬餘兩通前二項

主陽明先生全集

卷十二

奏疏二

五

約共用銀五萬兩二府商稅銀兩集兵以來日有所費見存銀止有四千餘兩二府并贛縣大庾南康上猶四縣積穀約計有七八萬石但貯積年久恐春米不及其數見在前銀不足支用就欲別項區處但恐緩不及事查得江西布政司并各府縣別無蓄積止有該解南京折糧銀兩貯庫未解并一應紙米贖銀兩合無行巡撫江西都御史孫燧轉行布政司并行各府照數借給應用候事寧之日或將以後抽掣商稅

或開中鹽引另爲計處奏請補還庶克行濟

一合用本省巡按御史隨軍紀功管理錢糧及統兵領哨官員除本省三司分守分巡兵備守備并南贛二府官員臨時定委外訪得九江府知府汪穎吉安府知府伍文定汀州府知府唐淳惠州府知府陳祥俱各才識練達程鄉縣知縣張戢撫州府東鄉縣知縣黃堂建昌府新城縣知縣黃文鸞袁州府萍鄉縣知縣高桂吉安府龍泉縣知縣陳允諧俱有才名俱各堪以領

主陽明先生全集

卷十二

奏疏二

六

兵候 命下之日聽臣等取用臣等竊照師期已迫自今七月上旬至九月中旬僅餘兩月中間合用前項錢糧器械仗及擬調兵快應委官員之類悉皆百未有措又事干各官道途相去近者半月遠者月餘萬一各官之中違抗推託不肯遵依約束臨期誤事罪將安歸乞照湖廣巡撫都御史秦金所奏該部題准事理各官之中敢有抗違失誤者許臣等即以軍法從事庶幾警懼事可易集

南贛擒斬功次疏

十二年七月初五日

據江西按察司整飭兵備帶管分巡嶺北道副使楊璋呈據統兵等官南安府知府季敷呈解生擒大賊首一名陳日能從賊林杲等二十七名斬獲首級十六顆俘獲賊屬男女十三口及馬牛等物并開稱搗過禾沙坑船坑石圳上龍狐狸朱雀黃石等賊巢七處燒死賊徒不計其數并房屋禾倉三百餘間南康縣縣丞舒富呈解生擒大賊首一名鍾明貴從賊曾能志等二十一名斬獲首級四

平陽明先奏卷

卷十二

七

十五顆殺死未取首賊一百一十七名俘獲賊屬男女一十六名口及牛馬驢等物并開稱搗過石路坑白水崗杞州坑旱坑茶潭竹欄皮袍樟木坑等賊巢八處燒死賊徒二百四十六名并燒毀房屋禾倉四百七十餘間贛縣義官蕭庚呈解生擒大賊首一名唐洪從賊蕭仁祥等六名斬獲首級并射死賊從一百二十八名燒毀賊巢房屋禾倉一百二十間及俘獲牛羊器械等物并開稱搗過長龍雞湖楊梅新溪等處賊巢四處各緣山到道

隨據統兵官員并鄉導人等各呈稱自本年正月

蒙本院撫臨以來募兵練卒各賊探知消息將家屬婦女什物俱各寄屯山寨林木茂密之處其各精壯賊徒晝則下山耕作夜則各還山寨依奉本院方略於六月二十日子時各哨剋期進剿每巢止有一三十人或四五十人看守巢穴見兵舉火奮擊俱各驚潰間有射傷藥弩即時身死墜於深巖及據縣丞舒富義官蕭庚各回呈止有上猶縣白水崗石路坑二巢南康縣雞湖一巢險峻巢內

平陽明先奏卷

卷十二

八

賊屬頗多被兵四面放火攻進賊無出路燒斃擊多天明看視止存骸骨頭而燒毀莫辨以此難取首級等因案照先為緊急賊情事據上猶縣申稱四月間被衆賊賊徒不時擄掠耕牛人口請兵追剿鄉民稍得時插今早殺將登又聞各巢修整賊具出劫乞為防遏庶得收割剽生等因并據縣丞舒富及南安府呈大庾縣申同前事該本道查得上猶縣隣近巢穴則有旱坑茶潭杞州坑樟木坑石路坑白水崗竹欄川均陰木潭等巢南康縣則

有長龍鷄湖楊梅新溪等巢大庾縣則有狐狸坑船坑禾沙坑石圳上龍朱雀黃石坑等巢多則三五百名少則七八十名合無將本院選集之兵委官統領分投勦遏等因已經呈奉本院批看得各賊名號日漸脩擬惡毒日加縱肆若果遂其奸謀將以乘虛入廣其爲患害關繫匪輕除密行南韶等府分兵防截外仰該道即便部勒諸軍定哨分委仍密召各巢附近被害知因之人堪爲鄉導者前來分引各兵出城之時不得張揚今正當換班之月就令俱以下班爲名晝伏夜行趁期各至分地掩賊不備同時舉事分領各官務要嚴密奮勇竭忠以副委任如或推奸誤事及軍士之中敢有後期退縮者悉以軍法從事決不輕貸該道亦要親帥重兵隨後繼進密屯賊巢要害處所相機接應以防不測一應機宜務須慎密周悉仍要嚴緝各兵所獲真正賊徒不許濫加良善等因遵奉統領各兵刻期進勦及加謹防過今據復呈前因通查得各哨共計生擒大賊首三名首從賊徒五十

四名斬獲首級六十八顆殺死射死賊徒二百四十餘名燒死賊徒二百餘名梟過巢穴一十九處燒燬房屋禾倉八百九十餘間俘獲賊屬男女二十九名口水黃牛馬騾羊一百四十頭匹隻所據各該領兵等官所報擒斬之賊數固不多而巢穴已空無可棲身積聚已焚無可仰給就使屯集橫水桶岡大巢將來人多食少大舉夾攻爲力已易等因轉呈到臣卷查先據副使楊璋呈稱據南安府并上猶等縣及縣丞舒富各呈申訪得大賊首謝志珊號征南王糾率大賊首鍾明貴蕭規模陳曰能唐洪劉允昌等約會樂昌高快馬等大修戰具并造呂公車欲先將南康縣打破聞知廣東官兵盡調征勦府江統行乘虛入廣等因已經批仰該道部勒諸軍酌量賊巢強弱派定哨分選委謀勇局官統兵密召知因向導引領晝伏夜行刻定於六月二十日子時人各賊巢同時舉火併力奮擊務使匪類無遺去後今據前因覆勦得前項賊巢委果蕩平殆盡蓄積委果焚燬無遺獲功解

報雖少殺傷燒死實多猖熾之勢少摧不軌之謀
暫阻居民得以秋獲地方亦爲一寧此皆遵依兵
部申明律例事理仰仗 天威官兵用命之所致
非臣之知謀所能及也臣惟南贛之兵素不練養
見賊而奔則其常態今各官乃能夜入賊巢奮勇
追擊在他所未爲可異之功於南贛則實創見之
事及照副使楊璋區畫贊理比於各官勞勩尤多
今夾攻在邇伏乞 皇上特加勸賞以作興勇敢
之風庶幾日後大舉臣等得以激勵人心除將獲
功人員量加犒賞生擒賊徒監候審決首級臬司
俘獲賊屬領養牛馬賞兵有功人員查審的確造
冊奏繳外緣係斬獲功次事理爲此具本題 知
議夾勦方略疏

十二年九月十五日

據江西嶺北道副使楊璋呈奉臣案驗准兵部咨
該巡撫湖廣都御史秦金題爲緊急賊情事備行
計處兵糧約會三省將上猶縣等處賊巢剋期尤
月中進勦等因遵依隨將本道兵糧事宜計呈本
院轉達奏 聞定奪外隨據南安府上猶大庾等

縣中稱各縣鄉民早殺將登各巢舉賊修整戰具
要行出劫并據南康縣縣丞舒富呈訪得大賊首
謝志珊號征南王糾率桶岡等巢賊首鍾明貴等
約會廣東大賊首高快馬等大修戰具并呂公車
欲要先將南康縣打破聞知廣東官兵盡調府江
就行乘虛入廣流劫乞要早爲撲剿等因已經呈
蒙本院密受方略行委知府李敦縣丞舒富等領
兵分勦共生擒大賊首陳日能等三名首從賊徒
五十四名斬獲賊首級六十八顆殺死射死賊徒
二百四十餘名燒死賊徒二百餘名搗過巢穴一
十九處燒燬房屋禾倉八百九十餘間俘獲賊屬
二十九名口水黃牛馬羊騾一百四十四頭匹通
經呈報又蒙本院慮賊必將乘間復出行委知府
李敦指揮來春等統兵屯南安指揮姚璽縣丞舒
富統兵屯上猶指揮謝相千戶林節統兵屯南康
各於要害去處往來防勦至七月二十五日賊首
謝志珊果復統衆一千五百餘徒攻打南安府城
各官督兵迎敵生擒賊犯楊驤等七名斬獲首級

四十五顆賊衆大敗而去八月二十五日賊首謝志珊又統領二千餘徒復來攻打南安府城各官督兵迎敵生擒賊犯龍正等四十二名斬獲首級一百五十七顆賊又大敗而去即今賊勢少挫若乘此機會直搗其巢旬月之間可期掃蕩但聞湖廣之兵既已齊集而廣東因府江班師未久復調狼兵未有定期謹按地圖江西之南安有上猶大庾桶岡等處賊巢與湖廣桂東桂陽接境夾攻之舉止該江西與湖廣會合而廣東止于仁化縣要

害把截夾攻不與焉贛州之龍南有洵頭賊巢與廣東龍川接境夾攻之舉止該江西與廣東會合而湖廣不與焉廣東樂昌乳源賊巢與湖廣宜章縣接境惠州賊巢與湖廣臨武縣接境仁化縣賊巢與湖廣桂陽縣接境夾攻之舉止該湖廣廣東二省會合而江西止於大庾縣要害把截夾攻不與焉名雖三省大舉其實自有先後舉動次第不相妨礙若不此之察必欲通待三省之兵齊集然後進剿則老帥發財爲害匪細合將前項事宜約

會三省以次漸舉庶兵力不竭糧餉可省等因據呈到臣看得三省夾攻必須彼此剋期定日同時並舉斯乃事體之當然兵無定勢謀貴從時苟勢或因地而異便則事宜量力以乘機三省賊巢連絡千里雖聲勢相因而其間亦自有種類之分界限之隔利則爭趨患不相顧乃其性習誠使三省之兵皆已齊備會約並進夫豈不善但今廣東狼兵方自府江班師而歸欲復調集恐非旬月所能兩省之兵既集久頓而不進賊必驚疑愈生其奸

悍者奔突黠者潛逃老帥費財意外之虞來問而起雖有智者難善其後誠使先合湖廣江西之兵併力而舉上猶諸賊逮事之畢廣東之兵亦且集矣則又合湖廣廣東之兵併力而舉樂昌諸處逮事之畢江西之兵又得以少息矣則又合廣東江西之兵併力而舉龍川方其併力於上猶則姑遣人佯撫樂昌諸賊以安其心彼見廣東既未有備而湖廣之兵又不及已苟幸旦夕之生必不敢越界以援上猶及夫上猶既舉而湖廣移兵以合廣

東則樂昌諸賊其勢已孤二省兵力益專其舉之
益易當是之時龍川賊巢相去遼絕自以爲風馬
牛不相及彼見江西之兵又撤意必不疑班師之
日出其不意回軍合擊茂有不濟者矣臣竊以爲
因地之宜先後合擊之便除臣遵照兵部咨來題
本欽依會兵征勦亦聽隨宜會議施行事理已
將前項事宜移咨廣東湖廣總督巡撫等官知會
一面相機行事外緣係地方緊急賊情事理爲此
具本題 知

王陽明先生全集

卷十二

奏疏二

五

換 勅謝

恩疏

十二年九月十五日

近准兵部咨爲申明賞罰以勵人心事該臣奏該
本部覆題節奉 聖旨是王守仁着提督南贛汀
漳等處軍務換勅與他欽此備咨到臣本年九月
十一日節該欽奉 勅諭江西西南安贛州地方與
福建汀漳二府廣東南韶潮惠四府及湖廣郴州
桂陽縣壤地相接山嶺相連其間盜賊不時生發
東近則西竄南捕則北奔蓋因地分各省事無統
屬彼此推調難爲處置先年嘗設有都御史一員

王陽明先生全集

卷十二

奏疏二

六

巡撫前項地方就令督剿盜賊但責任不專類多
因循苟且不能申明賞罰以勵人心致令盜賊滋
多地方受禍今因所奏及該部覆奏事理特改命
兩提督軍務撫安軍民修理城池禁革奸弊一應
軍馬錢糧事宜俱聽便宜區畫以足軍餉但有盜
賊生發即便設法調兵剿殺不許踵襲舊弊招撫
蒙蔽重爲民患其管領兵快人等官員不問文職
武職若在軍前違期并逗遛退縮者俱聽軍法從
事生擒盜賊勦問明白亦聽就行斬首示衆斬獲
賊級行令各該兵備守巡官即時紀驗明白備行
江西按察司造冊奏繳查照陞賞激勸欽此俱欽
遵外竊念臣以凡庸謬膺重寄思逃罪責深求禍
源始知盜賊之日熾由於招撫之太濫招撫之不
濫由於兵力之不足兵力之不足由於賞罰之不
明輒敢忘其僭妄爲 陛下下一陳其梗槩其實言
不量力請非其分方虞戮辱之及 陛下特錄該
部之議不惟不加咎謫而又悉與施行不惟悉與
施行而又隆以新命是蓋曲從試可之請不忍以

人發言也 勅諭宣布之日百姓填衢塞道悚然
改觀易慮以爲 聖天子明見萬里動察幽微占
羣策之卑卑知國議之有人莫不警懼振發強息
其暴僞息其奸快者思奮而勇後者思効而前三
軍之氣自倍羣盜之謀自阻所謂舞干格而運於
廟堂之上而震乎蠻貊之中者也夫過其言而不
酬有志者之所恥也冒寵榮而不顧自好者不爲
也臣固譴劣亦寧草木無知不思鞭策以報 知
遇雖其才力有所難強而螻蟻之誠決能自盡雖
於利鈍不可逆睹而狐兔之穴斷期掃平臣不勝
感 思激切之至

交收旗牌疏

十二年九月
二十五日

准工部咨該本部題稱得兵部咨開都御史王
守仁奉 勅提督軍務應合照例給與旗牌以振
軍威一節既查有例又奉 欽依合無於本部收
有內給與旗牌八面副就令原來百戶戶驛前去
交與本官督軍應用務加愛惜不得輕意損壞候
到先將收領過日期號數徑自奏報查考等因具

王陽明先生全集

卷十二

奏疏三

七

題奉 聖旨是欽此欽遵備咨到臣隨於本年九
月十六日據百戶尹麟領齊令旗令牌八副面前
來除照數收領調度軍馬應川務加愛惜不敢輕
意損壞外緣係交收旗牌事理爲此今將收領過
日期緣由并號數開坐具本題 知

議南贛商稅疏

十二年九月
二十五日

據江西按察司分巡嶺北道兵備副使楊璋呈奉
巡撫江西地方右副都御史孫燧案驗備行各道
兵備等官有地方重大軍務益於政體便於軍民
果係應議事件即便條列呈報以憑施行等因隨
據南安府呈繳本年春季分折梅亭抽分商稅循
環文簿看得該府造報冊內某日共抽稅銀若干
不見開有某商人某貨若干抽銀若干中間不無
任意抽報情弊及看得一季總數倍少于前原其
所自蓋因抽分官員止是典史倉官義民等項不
惜名節惟嗜貪污兼以官職卑微人心玩視以致
過徇客商或假稱權要而挾放或買求官吏而帶
過及彼店不通同客商員求書算以多作少以有

昨無奸弊百端查前項抽分創于巡撫都御史
金澤一則避大庾過山之夫一則濟南贛軍餉之
川題奉 欽依遵行年久及查贛州龜角尾設立
抽分廠建自于總制都御史陳金自正德六年十
一月二十七日起至九年七月終止共抽過商稅
銀四萬二千六百八十六兩六錢三分七毫五忽
本官大帽山姚源華林盜賊四起大舉夾攻一應
軍餉俱仰給于此並未奏勅 內帑之積亦未科
派小民之財以此而觀則商稅之有益地方多矣

王陽明先生集

卷十二

奏疏二

九

緣贛州之稅正德十一年該給事中黃重奏稱廣
貨自南雄經南安折梅亭已兩稅矣贛州之稅不
無重復已經勘明停止贛河之稅近復大舉夾攻
軍餉仰給全在折梅亭之稅今所入如此非惟軍
餉無益實惟奸宄是資隨會同分守左叅議黃宏
議照合將南安之稅移於龜角尾抽分既有分巡
道之監臨又有巡撫之統馭訪察數多奸弊自少
其大庾縣額夫銀兩令該縣每年具印信領狀
赴道既行贛州府支領支盡查算令復支如此

非惟大庾過嶺之夫不缺而軍餉之用大增合就
會案呈詳等因據呈到臣看得南贛二府商稅皆
因給軍餉裕民力而設折梅亭之稅名雖為夫役
而實以給軍餉龜角尾之稅事雖重軍餉而亦以
裕民力兩稅雖若二事其實殊途同歸但折梅亭
雖已抽分而龜角尾不復致詰未免有脫漏之弊
若折梅亭既已抽分而龜角尾又復致詰未免有
留滯之擾况監司既遠胥猾得以恣其侵漁頭緒
既多彼此得以容其奸隙若革去折梅亭之抽分

王陽明先生集

卷十二

奏疏二

十

而總稅於龜角尾則事體歸一奸弊自消非但有
資軍餉抑且便利客商蓋分合雖異而於商稅事
體無改纖毫轉移之間而於民商利害相去倍蓰
除臣欽遵節奉 勅諭一應軍馬錢糧事宜俱聽
便宜區畫事理將副使楊璋等所議行令該府一
面查照施行外緣係地方事理為此具本題 知
聖賞 恩疏 正德十一年
節該欽奉 勅得爾奏該福建兵備僉事等官胡
璉等統領軍兵各分哨路於今正月十八等日

先後攻破長富村象湖山可塘洞等處巢穴擒斬
首從賊數一千四百二十九名類及該廣東兵備
僉事等官顧應祥等統領軍兵分哨並進於今年
正月二十四等日克破古村箭灌木竹等寨斬賊
級一千二百七十二名類各俘獲賊屬奪回人口
頭畜器械等數多賊害既除良民安堵蓋由爾申
嚴號令處置有方以致各該官員奉行成算有此
成功捷奏來聞朕心嘉悅除有功官軍民快人等
待查勘至日陞賞外陞爾俸一級賞銀二十兩紬

聖明叢書

卷十二

奏疏二

三

絲二表裏仍降勅獎勵爾其益竭心力大展才
猷修明武備多方計畫務使四省交界之區數年
嘯聚之黨無剩盡絕地方永獲安靖斯稱朕委任
之意毋或沮于此捷速生息玩愒有他廣欽此
欽遵臣惟賞及微勞則有功者益勸罰行親職則
有罪者益警近者聞廣之師幸而成功其方畧議
於該部成算出於朝廷用命存於諸將戮力因
於士卒臣不過中嚴號令數布督促之而已曾有
何功而乃冒蒙 褒賞增其祿秩錫以金幣臣實

不勝慚汗惶恐之至然臣嘗有申明賞罰之義矣
嘗有願 陛下俯從惟重之典以作敢勇之風之
請矣臣之微勞懼不免於罪而 陛下曲從該部
之議特 賜優渥之恩者所謂賞及微勞將以激
勸有功也昔人有云死馬且買之千里馬將至矣
臣敢畏避冒賞之戮苟為遷讓以仰辜 陛下激
勸作興之盛心乎受 命之餘感懼交集誓竭犬
馬之力以効涓埃之報臣不勝受 恩感激之至
橫水桶岡捷音疏 十二年閏十
二月初二日

聖明叢書

卷十二

奏疏二

三

據江西布按二司巡守嶺北道兵備副使楊璋左
叅議黃宏會呈據一哨統兵贛州府知府邢珣呈
督同興國縣典史區澄等官兵於十月十二等日
攻破磨刀坑等巢十一月初一等日攻破桶岡洞
等巢二十三日會兵擊賊于上新地寨共十四處
共擒斬大賊首雷鳴聰藍文亨梁伯安等六名類
賊從王禮生等二百四十一名類俘獲賊屬弁卒
回被擄男婦二百五十七名口燒燬賊巢房屋一
百七十七間及奪馬牛賊仗等項二哨統兵福基

汀州府知府唐淳呈督同上杭縣縣丞陳秉等官
兵於十月十二等日攻破左溪等巢十一月初一
等日攻破十八磊等巢共十二處共擒斬大賊首
藍天鳳藍八蘇景祥等四名顆賊從廖歐保等二
百六十四名顆俘獲賊屬并奪回被擄男婦五百
四十四名口燒燬賊巢房屋七百一十二間及奪
獲馬牛器械賊銀等項三哨統兵南安府知府李
敦呈督同同知朱憲祖官徐文英等官兵於十月
十二等日攻破穩下等巢十二月初三日擊賊于

王陽明先生全集

卷十二

奏疏二

軍

朱崔坑等巢共八處生擒大賊首高文輝何文秀
等五名擒斬賊從楊禮等三百六十一名顆俘獲
賊屬并奪回被擄男婦一百七十一名口燒燬賊
巢房屋五百七十八間奪獲牛馬賊仗等物及先
於七月二十五等日二次被賊擁眾攻打本府城
池統領本營官兵會同指揮來春馮翔與賊對敵
本職下官兵舍人共擒斬賊從龍正等一百三名
顆來春下官兵擒斬賊從王伯崇等二十五名顆
馮翔下官兵擒斬賊從劉保等一百三十五名顆

四哨統兵江西都司都指揮僉事許清開都督領
千戶林節等官兵於十月十二等日攻破鷄湖等
巢共九處共擒斬大賊首唐洪劉九昌葉志亮譚
祐李斌等共一十名顆賊從王志成等一百四十
六名顆俘獲賊屬并奪回被擄男婦一百三名口
燒燬賊巢房屋二百間及奪獲牛馬賊仗等物五
哨統兵守備南贛二府地方以都指揮體統行事
指揮使鄭文呈督領安遠縣義官唐廷華官兵於
十月十二等日攻破獅子寨等巢二十三日會兵

王陽明先生全集

卷十二

奏疏二

軍

擊賊于上新地寨斬獲首賊藍文昭等三名顆擒
斬賊從許受仔等一百六十六名顆俘獲賊屬并
奪回被擄男婦九十八名口燒燬賊巢房屋四百
一十二間及奪獲牛馬器械等項六哨統兵贛州
衛指揮余恩呈統領龍南縣新民王受等兵於十
月十二等日攻破長流坑等巢共五處擒斬大賊
首陳貴誠薛文高劉必添三名顆賊從郭彥秀等
一百七十七名顆俘獲賊屬并奪回被擄男婦九
十九名口燒燬賊巢房屋五百一十七間及奪獲